

《華嚴經普賢行願品》 補充講表

◎附表十五：

○復次，善男子！言常隨佛學者。（以下糅合《普賢行願品親聞記》）

此牒名也。此下三願，俱屬迴向；但若融攝，則十門皆迴向也。別言，則八、九、十願屬於迴向。故偈頌中，第七願後，即總標迴向。三迴向中，八即迴向菩提，九即迴向眾生，十即迴向法界。前二是迴向別義，後一是迴向普義。八、九是別說二利行體。八屬自利，九屬利他。第十門，是別說所迴善根，謂將二利功德及一切福，迴向三處也。又此第八，同《華嚴經》十迴向中，等一切佛迴向。

《普賢行願品輯要疏》云：「言常隨佛學者，謂托佛從因至果，所歷之行，所為之事，為

我所緣之境。引出自心之志，隨而學之。乃以觀智，融己身心，令常注如是之境；勿使一念，趣於六塵五欲顛倒境也。行者苟能以佛

所歷苦行之境，常作心觀者，設遇苦事，乃稱本願，不生怨惱；逢諸樂事，自無耽染，以非常時心觀之所願故。有志於學者，勉旃！」

○如此娑婆世界毗盧遮那如來，從初發心，精進不退，以不可說不可說身命，而為布施；娑婆：梵語，意譯「堪忍」，有二義：

一、此娑婆世界（五濁惡世）眾生安於十惡，忍受諸煩惱，即堪於忍受諸苦惱而不肯出離。
二、諸佛菩薩能忍受剛強眾生，慈悲不捨地教化之。（以下糅合《普賢行願品隨聞記》）
毗盧遮那：法身如來，此云遍一切處。盧舍那：報身如來，此云淨滿。釋迦牟尼：應身如來，能仁寂默義。三佛不一不異。

從初發心：謂自始知三寶，識得因果，起於正信，發菩提心，爾時名初發心。

精進不退：萬行無雜曰精，勇捍無退曰進。（糅合《華嚴經普賢行願品疏鈔》）

精進：（一）披甲精進、（二）攝善精進、（三）利樂精進。

《大乘起信論》云：「云何修行進門？所謂於諸善事，心不懈退，立志堅強，遠離怯弱。

當念過去久遠已來，虛受一切身心大苦，無有利益。是故應勤修諸功

德，自利利他，速離眾苦。」

不退：位不退、行不退、念不退。

○剝皮為紙，析骨為筆，刺血為墨，書寫經典，積如須彌。（糅合《普賢行願品親聞記》）

身命為人難捨者，以有志願之鼓勵，故亦不難。如為區區名利而走險者，尚能犧牲身命，何況為求廣大菩提，有何難捨！《集一切福德三昧經》云：「釋迦牟尼佛，因地為最勝仙人時，：」，此約事說也。再約理言之，修觀行，觀色身無非父精母血，與業識因緣和合而有，「因緣所生法、我說即是空」，作空觀，即將我空觀法，寫於身上。再觀五蘊諸法，但假名而已。作假觀，即將假觀法，寫於身上。再觀空有不二，即將中道第一義諦法，寫於身上。是故約理，人人皆可做到。觀行得三昧時，剝皮析骨刺血，事上亦可做到。果能

不愛色身，即得法身。不著識心，即得慧命。

※空觀：緣生無性，觀真諦理。特性：無真實性，有變異性，無自主性。從假入空，不住有。

緣生：緣含攝因之故，緣生即因緣所生法，所謂一切法本來無生，但由因緣聚會，而顯現諸法。即是一切法乃為因緣和合而顯現之假相，如幻如化，如鏡中像，如水中月。

無性：以性（自性）乃本具，更三世而不易，不是由因緣聚會而生的。故無性是說明因緣所生法，但有相而無性也。

《中觀論》觀四諦品云：「未曾有一法，不從因緣生，是故一切法，無不是空者。」

※假觀：無性緣生，觀俗諦理，十界染淨緣起。從空入假，不住空。

《中觀論》觀四諦品云：「以有空義故，一切法得成，若無空義者，一切則不成。」

※觀空有不二：《大乘起信論》云：「雖念諸法自性不生，而復即念因緣和合，善惡之業，

苦樂等報，不失不壞；雖念因緣善惡業報，而亦即念性不可得。」

○乃至樹下成大菩提，示種種神通，……乃至示現入於涅槃。（糅合《普賢行願品親聞記》）

八相成道，皆果上之用也。初句舉一成道，末句舉一涅槃，以該八相。

「神通」：妙用難測曰神，自在無擁曰通。目的：為引導眾生開示悟入佛之知見。。

《華嚴疏鈔》云：「阿羅漢證得宿命智與天眼明，或知、或見過去乃至未來，一至八萬劫

以內之事，超過八萬劫以上之事則無法知，所以稱為不滿；天眼但見三千世界，「漏盡」不盡所知。唯佛所證三明，知能遍、能滿。」

※聲聞緣覺欲至遠處多時乃到，以其不得如意通故。諸佛菩薩一念能至十方世界，以其所得如意通故。

《華嚴經十通品》云：「如一世界，如是百世界、千世界、百千世界、百千億那由他世界，

乃至不可說不可說佛剎微塵數世界中所有眾生心悉分別知。是名：

菩薩摩訶薩第一善知他心智神通。」

「起種種變化」：轉換舊質名「變」，無而忽有名「化」。此變之與化，佛及菩薩皆能為之。例如示現：現種種身，教化一切眾生。

轉變：變身大小不定，或變山河大地，乃至變一切物，皆令隨心。

※聲聞緣覺化現大身不能入小，化現小身不能容大。諸佛菩薩化現大身滿三千界，能以大身入一塵中，化現小身猶如微塵，能以小身容受一切。

「現種種佛身」：即是方便示現，從用而言：應以何身得度，即現何身而為說法。或現大身，或現小身也。

「圓滿音」：佛以一音演法，眾生隨類得解，成熟眾生也。

○如今世尊毗盧遮那，如是盡法界、虛空界，……我皆隨學。（糅合《普賢行願品親聞記》）

以毗盧遮那佛為比例，毗盧遮那佛一切因果，我皆隨學。如是十方三世一切佛剎，所有塵中，一切如來，若因若果，我亦皆願學也。念念中，學十方三世佛因及果，此普賢之所

以為普賢也。會觀想者，學一佛即是學一切佛。第一禮敬諸佛，乃至第十普皆迴向，隨力隨分，皆隨佛學。每日上殿過堂，聽經學戒，心心念念學佛無間。佛因圓滿，佛果亦圓。

○復次，善男子！言恒順眾生者。（糅合《普賢行願品親聞記》）

此牒名也。「恒順眾生」，即隨順一切眾生迴向，十迴向中第七迴向也，順眾生根性而利益之。眾生有五性，即闡提性、不定性、聲聞性、緣覺性、菩薩性。菩薩亦在九法界中，對九法界眾生，皆要隨順；順空有不二、自他不二也。言空有不二者，如上所云：剝皮為紙，析骨為筆，刺血為墨中，作空觀觀己身。今觀一切眾生性空，性空故相亦空。次作假觀，空非斷滅，而有九法界之假相。空有不二，即是中觀。順空有不二，即順中道；觀自他不二，亦順中道也。中道常住，故常隨順。順有，即是順生死；順空，則不能度眾生。又偏順有，即不能自利；偏順空，則不能利他。順自他不二、空有不二、是普賢菩薩之隨順；否則不偏凡夫，即落二乘。